

Nunanut allanut niuernermi naatsorsuutinik suliaareersunik aaqqiineq

Kalaallit Nunaata avataanit nioqqutissanik eqqussuinerata naatsorsuusiorderani kukkusoqarnera isumaqarpoq, 2002-miit – 2011-mut niuernermi oqimaaqatigiissitsinikkut amigartoorut siusinnerusukkut naatsorsuinermit annertunerusimasoq

Kalaallit Nunaata nunanit allanit niuernerni nioqqutissat avataanit ukiut 2002-ip - 2011-illu akornani assartukkat Qallunaat Nunaanni ingerlateqqitassatut assartoqqinneqartussat, Kalaallit Nunaata nunanut allanut niuernernut nalunaarsugassat nalunaarsorneqarsimangillat. Tamanna isumaqarpoq eqqussuineq siusinnerusukkut naatsorsuinermit annertunerusimaneramik, taamatullu niuernermi oqimaaqatigiinnerup amigartoorutaa annikippallaamik nalilersorneqartarsimavoq. Tamanna Kalaallit Nunaata nunanut allanut niuernernut ilanngussisarfiusumit Danmark Statistikimit suleriaatsimit kukkunermik peqquteqarpoq.

*Eqqussuinermik
annikippallaamik
naliliineq, avammut
tunisinerup nalilerner
ajunngitsoq*

Ajornaatsumik ingerlatsinissaq siunertaralugu Danmarks Statistikip Qallunaat Nunaata nunanut allanut tunisaqarnermini nalunaarsuutai, Kalaallit Nunaata nunanut allanut niuernera ataatsimut isigalugu najoqqutarisassiatut pingaarutilittut ingerlateqqittarpai. Qallunaat nunanut allanut niuernera Danmarks Statistikimit nalunaarsorneqaraangami, nioqqutissat assartoqqinneqartussat naatsorsuutinut ilanngunneqarnek ajorput. Naatsorsukkani nioqqutissat Kalaallit Nunaannut assartugassat, Qallunaat Nunaannit ingerlateqqitassat, qallunaat nunanit allanit niugaannit immikkoortinneqartarput.

Ingerlatsinerit taama ittut nunatta nunanut allanut niuernerni naatsorsuutinut ilanngutassaapput. Taamaattoq piffiup ingerlanerani nioqqutissat Qallunaat Nunaannit assartoqqitassat ikinngitsut ukiut 2002-p – 2011-lu akornanni Kalaallit Nunaata nunanut allanut niuernerni naatsorsuutaasussat ilanngunneqarnek ajorsimapput. Kukkuneq Kalaallit Nunaata avataanit nioqqutissanik eqqussuineranut taamaallaat tunngassuteqarpoq, avammut tunisineq matumani pineqarani.

*Kisitsisit nutaat 26.
septemberimi
takkutissapput*

Kalaallit Nunaanni Naatsorsueqqissaartarfiup naatsorsuutigaa 26. september 2011 nunanut allanut niuerneq pillugu naatsorsuutinik iluarsaatanik saqqummiussinissani.

Kisitsisit pineqartussat takutissavaat, eqqussuinermik annikippallaamik naliliineq FN-p nunat assigiinngitsut akornanni nioqqutissanik immikkoortulersuineranut (SITC-mik suussusilersuinermik taaneqartartut) qanoq inississanersut.

Kisitsisit saqqummiussassat saqqummersitakkut saqqummiunneqassapput malittuanillu kisitsisaataasivimmi kisitsisaatit naqqinneqassallutik. Tamatuma saniatigut kisitsisit eqqortut saqqummiunneqarnerat tusagassiutinut nalunaarutigineqassalluni.

Kalaallit Nunaanni Naatsorsueqqissaartarfiup kukkuneq ajuusaarutigaa.

Paasissutissanik annertunerusunik pisariaqartitsissaguit Naatsorsueqqissaartarfiup pisortaa Anders Blaabjerg oqarasuaatikkut 36 23 72 imaluunniit uunga abla@stat.gl e-mailerfigalugu saaffigisinnaavat.